

INUIT ATAQATIGIIT

INATSISARTUNI



UPA2022/065

06.05.2022

Mikivsuk Thomassen

**Inatsisartut aalajangiiffigisassaattut siunnersuut Naalakkersuisut
peqquneqassasut nalunaarusioqqullugit suleriaatsit
eqaallisarumallugit, peqqinnissaqarfimmi imminut sullinnerup
eqqunneqarnerata aningaasaqarnikkut allaffissornikkullu
kingunerisassaasa kiisalu inuiaqatigiinnut iluaqutissartaasa
ersarissarnissaat siunertaralugu, taamaalillunilu sulisut
napparsimasunut innuttaasunullu toqqaannartumik attaveqarnermut
atorneqarsinnaaqquellugit. Nassuaat UPA 2023 nallertinnagu
Inatsisartunut agguaanneqassaaq.**

(Inatsisartunut ilaasortaq Anna Wagenheim, Demokraatit)

Siullertut qujarusuppugut saqqummiisumut.

Suleriaatsit eqaallisarneqarnissaannut aningaasaqarnikkut allaffissornerullu, inuiaqatigiinnullu iluaqutaasinnaasullu pillugu nalunaarusiortoqarnissaa siunnersuummut.

Siunnersuuteqartup anguniagaa suleriaaseq eqaannerussasoq , imminut sullisinnaaneq immini ajunngilaq. Siunissami qularnanngilaq aqqutisaq tassaniittoq. Inuttaasut qarasaasiatigut attaveqarneq atorlugu imminut sullisinnaaneq sungiukkiartorpaat sukkasumik.

Siunnersuuteqartup Nalunaarusiani innersuussutaani atuarneqarsinnaavoq, innuttaasut Peqqinnissaqarfimmut saaffiginninninnermi naliliisimanerat. Qujanarpoq innuttaasut Peqqinnissaqarfimmut qujaniarnermik oqaaseqartut.

INUIT ATAQATIGIIT

INATSISARTUNI



Nalunaarusiamili eqqaaneqarpoq soorlu kalaallisut oqaaseqarluni
Peqqinnissaqarfimmut saaffiginnissutit ingerlanneqarusrusuttartut.
Paasinarnuinnarpoq. Kissaatiginarporlu siunissami qarasaasiatigut siuarsaaneq
aamma kalaallisut oqaatsivut atorlugit ingerlanneqassasoq.

Nalunaarutip innersuussap aappani erserpoq, sineriammiit Nuummut
naaleqqiullugu, nakorsiärnerup siullermiit, suussusersineranut sivisunerusartoq.

Tamanna imaannaanngilaq. Pitsaanerusariaqarpoq.

Peqqinnissaqarfimmi sulisunut innuttaasunullu pitsaasumik sullissinissamik
attaveqaqtigiainnerullu oqaloqatigiainnikkullu eqaannerulernissaanik
qulakkeerneqarnissaat pillugu suliamik ingerlatsisoqarnera Naalakkersuisut
akissumminni ersersippaat.

Taamaattumik nalunaarusiornissaq pinnagu suliat ingerlanneqartut suliunitillu
aallartsinneqareernikut tunngavigalugit siunnersuutigineqartoq
itigartsinneqarnissaa innersuupparput Inuit Ataqatigiinniit.